

GERMAN RESOURCES ON THE MARIANA ISLANDS DIGITAL LIBRARY

compiled by Dirk HR Spennemann

1601. [Lopinot, Callistus]. 1910. *I Yiniusan na pinelo na Sacramenton Cumonfesta. Mapiula i tautau Marianas. [Holy Giving of the Sacrament Confession, Translated for the People of the Mariana Islands]. HongKong: Typis Societatis Missionun ad Exteros.*


A discussion of the meaning and importance of the holy sacrament.

Source of Annotated Bibliography Entry:

Dirk H. R. Spennemann (2004) *An Annotated Bibliography of German Language Sources on the Mariana Islands*. Saipan, Commonwealth of the Northern Mariana Islands : Division of Historic Preservation. ISBN 1-878453-71-8.

The German Resources on the Mariana Islands Digital Library is a project jointly supported by:

CHARLES STURT
UNIVERSITY



The Johnstone Centre,
Charles Sturt University,
Albury, Australia



Northern Mariana Islands
Council for the Humanities,
Saipan, CNMI



Historic Preservation
Office,
Saipan, CNMI

I YINIUSAN NA PINELO
NA
SACRAMENTON CUMOMFESAT.

MAPULA
PARA I TAUTAU MARIANAS.

IMPRIMATUR.
Apaŋa, Guam, die 19 Junii 1910.

FR. PAULUS A KIRCHHAUSEN
Præfectus Apostolicus
Insularum Marianarum.



HONGKONG
Typis Societatis Missionum ad Exteros

1910



I YINIUSAN NA PINELO

NA

SACRAMENTON

CUMOMFESAT



**I cabales na historian Jesucristo
minámatca ni i minaase guato gi
tinautau ni i sumesiente.**

Desde ayo na momento, anai mama-

potge-ñáihon hasta i finataíña, todo siha i hinaso yan finatinas gi yiniusán na bidaña humúhuyuñg alibion i tautau siha ni i man-malaño yan mamoble.

Gigon-ha humalum gi público na bidaña, todo ha-practica, hafatinas para minauleg todo i tautau: “*Guiya hanafanman-líi i man-bachet, hanafanman-húñgog i manánga, hanafan-homlo i man-ñánatíng. Guiya haaplica gui sumatba ayo siha i manmahetog corasonñiha ya hanafan-lala talo*”.

Lau anai si Jesucristo ha-ocupa gi man-amte ni i chetnot tatautau siha, **i finénana na chechoña i ulibre i ante siha ni i man-ginegede ni i isau**. I magahet na naan Jesus. hanamalilie este na minagahet, ilegña i Añghet: “*i naan-ña si Jesús, sa Guiya usatba i tano ni i isau*”.

Sa yagin mohon si Jesus cumonfotme, na uámte i tatautautau sin uatíende i chetnot i antita, sin duda, utafanáan gui medicuta, ya entonses taya mohon yuhe na título sásatba yan nánalibre. Lau como i isau i mas dáñgculo na tinailayen i tautau, ya como si Jesucristo mato para una-fañahñge hit gi mansen-

dañgculo na tinaílaye, ayo mina mato gi tano prinsipatmente como i mas dañgculo na áasie ni i isau.

Si Santa Maria Magdalena hahoñgge, guiya mismo malag guato as Jesucristo ya hafagase ni i lagoña ya hasausau ni i gaput iluña, anai sinañgane gui as Jesus ni i áasie na finiho siha. I anite siha hareconose si Jesus como contrarión i isau, sa manmaaño humihot si Jesús, sa hatuño siha, na si Jesús man-linagnus siha gi halum tatautau i tautau siha.

I Sainata as Jesucristo hanae salud i tatautau, anai masásañgan i salud i ante. Anai haamte i tatautau ni i chetnotña siha, i malagoña uconquista i manisau siha, para unama-tuño gui na guiya medicon i ante; ilegña, pot ejemplo, ni i paralitico; “*I isaumo ufanmaasie*”. I escribas siha ninafan-lalalo as Jesucristo, sa malago na uasie i isau siha. Sa si Jesucristo haope siha: “*Yagin ti manmalago hamyo enheñgge i finoho, heñgge pot lo menos i chechoho*”; ya hana-homlo i tautau ni i chetnotña. Despues de monhayan haamte i tautau ni i treinta i ocho años de malaño, si

Jesus hanahuyuñg este na nâmanman sinañgan; “*Chamo uníisau talo, para chamo sinisésede hafa na ti mauleg*”.

Yagin i sustansian i antita mas tághilo que i catne ni i umafulúluye, taiguenau si Jesucristo hananae mas importantsia i linala i ante gi mas magas na isau que i linala i tatautau gi finatai. Ilegña si San Agustin, na “*i Evangelio siha nai masasañgan, na si Jesucristo tresha na manmatai hanafan-lala durante i tiempo, anai lalalague gi hilo tano, mientras que miles na ante hanafan-homlo gi gracia.*”

Como i Iglesia hapolo si Jesucristo para una-fagpo i chechoña ni i gine hatutuhon, masige na i man-isau uha-humiya guato siha as Jesus, este i prinsipat na ofision i Iglesia.

Lau i cuestion ni i importante ma-presenta:

Hafa taimano i tautau maasie ni i isauña gi Iglesia, despues de i quinahulo i sainata as Jesucristo gi lañgit?

I.

Si Jesucristo hapresenta i tatautauña mismo gi cada ante ni i isau, ya hasa-ñgane cada uno ni i isau, taiguihe i ilegña as Santa Magdalena: “*I isaumo siha ufanma-asie*”? pat mannae nu este na sisiña, para manasie isau, gi ministro siha ni i hanombra para este na fin?

Tasen-tuño-ha, na si Jesucristo ti man-promete na unamalie gui ni i cada uno ni i isau, ni ufatinas este.

I malagoña, pot lo tanto, u-nombra siha mamale ya, pot guiya, uhaasie i isau siha. Este, sin duda, i hapractitica si Jesus gi antiguo yan i nuebo testamento, **ha-emplea tautau siha para uachogue i dañgulo na minaaseña** yan i manághilo na ofisio.

Anai haresuelbe si Yuus cumone i famaguon Israel giya Egipto, hatago si Moisés, para ufan-quinene? Anai malago si Yuus na ufan-libre gi canai Faraón ya ufan-mapos gi mar Rojo, umentalo-ha si Yuus? Ahe; lau hafanague si Moisés, hahuto i canaiña gi hilo tasi ya ensegidas mabába i hanum.

Anai mansen-maho i tautau siha gi

desierto, mato si Yuus para u-ninafan-gimen? Ahe, sino que si Moisés hapa-cha i acho ya ensegidas humuyuñg i hanum.

Anai si San Pablo gógof-lalalo ni i mañgilisyano giya Damasco, si Jesucristo-ha mismo minafan-atan, minaquilisyano yan tumagpañge? Ahe; hatago si Pablo guato as Ananias, ya este nina-fanlie yan tumagpañge. Guiya mismo na Apostol tumogiye hit un boniton sentensia. gi Epistolaña ni i Corintios, un tinago Yuus na ufan-mañotsot i man-isau siha: ilegña na *“si Yuusha mismo mina-fanmañotsot hit pot si Jesucristo ya hanae hit ni i nina-siñaña para unafan-mañotsot hit: hita embajadotña pot i naan Jesucristo”*: tal como ilelegña. si Yuus hanahanau si Jesucristo para unafan-magem i manisau; pues si Jesucristo hanafan-hanau hit, sa hita embajadotña para utanafan-magem i manisau pot i naan Jesucristo.

Yagin huhaso este na poder ni i taposésee, hu-felisita i tautau Iglesia siha, ni i manmanae nu este na minauleg; lalaulau yo pot guaho yan pot i man-

gachoñgho gi ministerio pot i minacat este na responsabilidatta masea taya giya hita na ufanmagof sino as Jesucristo na guiya i minauleg, hita umúuma este na catga; ta-uma este na tesoro gi bason fache. Si Jesucristo Pastor, ya hita pinastótoña; guiya ha-acostumbra uma-agañg i pinastótoña. Y finota siha ni i tasásañgan gi confesión masiesente i bos Yuus na hana-petfecto i Apostoles siha giya Jerusalem.

Lau guaha autoridatta ginen i Ebangelio para umaprueba na si Jesucristo hanae poder i Apostoles siha yan i man-tinatenñiha para ufanman-asie isau?

Guaha sen-seguro na testimonio, ya i fino Jesucristo siha, anai mannae nu este na poder, mansen-claro-ha na ti haadmite hafa palo na ayoha i cuméque-ilegña. Gi Ebangelion San Mateo tai-guineha na fotma nai hadirige gui guato as Pedro: *“Acho hau, ya i hilo este na acho nai huplanta i Iglesiaho”*; ya: *“huna nae hau ni i yaben i lañgit, ya i ongede gi tano, ufanmagode gi lañgit, ya i onpila gi tano, ufanma-pula gi lañgit”*; ya todo i Apostoles siha man-etnon, ya si Jesu-

cristo-ha mismo man-sinañgane nu este na finiho: “*i engede gi tano, ufanma-gode gi lañgit, ya i enpila gi tano, ufanma-pula gi lañgit.*” I ante ginégede ni i isau. Ilegña si Jesucristo: “*Hunae hamyo poder para ensatba i ante gi magodeña ya ennae libertad i patgon Yuus*”.

Gi Ebangelion San Juan guaha trambia mas namanman na declarasion ni i poder, para ufan-ma-asie i isau siha, ninaen Jesucristo nu i Apostoles siha. Si Jesucristo despues de lumala talo malag guato gi disipuluña siha. “**I grasia Yuus gaige giya hamyo. Taiguine hana-hanau yo si Tata, taiguenauha huna-hanau hamyo. Resibe hamyo i Espiritu Santo, i isau ni i en-asie ufanma-asie, ya ayo siha i ti en-asie, ti ufanmaasie.**”

I grasia ni i, hunae hamyo u-ninafanmañotsot i ante siha as Yuus, poder para manasie gaige giya guaho ginen as Tata; este mismo na poder hunae hamyo. Resibe hamyo i Espiritu Santo, sa guiya siña man-ninae hamyo ni i ante siha ni i manquinéquene ni i anite. “*Yagin i isaumo siha*” (pot i minacatñiha) “*man-agaga. ufan-apaca calañg nie-*

be.” Yagin sen-megai calañg i inai gi tasi, ufanma-funas, sa ufan-mamaila corason siha ni i manyóase para hamyo. I sentensian minaase ni enpublica hamyo gi tano, guaho huratifica gi lañgit. Gi finiho San Juan huchule tres cosas na man-importante.

I FINENANA: na i poder para man-asie ti para i Apostoles-ha siha, lau ma-estiende guato gi tinaten-ñiha gi ministerio gi todo i tiempo yan i lugat. I maasien isau siha ufanmasísige-ha mientras guaguaha isau gi tano, ya como, ai! siempre uguáguahaha isau gi tano, ayo mina i remedio contra i isau siha siempre ugágaigeha gi Iglesia. I amot usisigeha para i chetnot. I poder ni i Sainata hanae i Apostoles siha para ufan-mamagat, ufan-managpañge, ufan-mañgonfitma, ufan-manotdena Pale, ufan-man-asie isau etc, manmananáe-ha locue i tinaten-ñiha.

SEGUNDO: na i maasien isau siha i ministerion i Apostoles-ha chumuchule yan i tinaten-ñiha, como que gine siha nai haresísibe i pueblo i fino Yuus yan i managpañge. I Poder

para manasie isau hananae pribilegio na dañgculo i Apostoles siha.

Lau hafa enau na pribilegio mohon, yagin i pueblo haresísibe siempre i maa-siña pot i confesion hinalum as Yuus gi halum aposentoña?

Hafa taimano mangai-recurso i Apostoles siha, yagin ti-manmapot hachule i man-asien isau? Si Yuus ilegña ni i inayegña siha na ministro: hunae hamyo ni i yaben lañgitho, enpilan i guinahan i minaaseho nu i man-isau ni i man-mañotsot?

Lau hafa taimano naña ni i Apostoles siha ni i yaben i guinahan Yuus para mañatba ni i man-isau, yagin cada tau-tau ni i isau hachúchule-ha i maasiña sin ufanmalag i Apostoles siha? Yagin hunae hamyo, fañelo, ni i yaben i guinahan hu-autorisa hamyo, para en-admite haye i malagomiyo ya siña inaprobecha todo siha i guaha gi gima, enlilieha hamyo na hufatinas un diquiqui na fabot. Yagin hunae cada uno giya hamyo ni i guahaho gi un aposentoco na sasahñge ya siña hamyo manhalum yagin manmalago hamyo sin enfaisen yo, ilegmiyo, na hunae mas dañgculo na fabot. Esta

ilegco na i maasien isau chinichile ni i ministerion i Apostoles siha yan i tinent-ñiha, lau i umapatta siha gi ministerion Yuus, ti siña hachule este na inasie. Un yóase na tautau ti hagágagau mas que un fehman na piniten corason ni i isau dumadaña yan un dañgculon dinesea na ugusi mato guato gi confesion, sa i tinago Yuus siha haobliga mano i siña gi mañgilisyano.

I TETSER LUGAT, i poder para manasien isau siha gaige gi ministrion Yuus yan i obligasion man-asien isau siempre que i gai isau esta listo. **I Pale** taya poderña para ufanasie ni ti tunas. **Debe de ufatinas i poder calan Jues**, sin uattan haye. Debe de urechasa i ti mañotsot ya uasie i mañotsot. Lau ujugga i minalago i gai isau yagin ti hatuñgo i isauña siha? Ya hafa taimano tuñgoña i Pale ni i isau siha, yagin ti masañgane gui?

Pot este ti hana-fan-manman hit, yagin tataitai i checho i Apóstoles siha, na megai ni i humoñgge mañgomfesat ya hasaňgan i isauñiha gi Apostoles siha. Sa hafa na hacomfesat i isau-ñiha al menos que manma-obliga na uhafatinas

taiguine? Taiguenau-ha locue entiño pot i sinañgan San Juan: «*Yagin tacomfesat i isauta siha, guiga fiel gui yan tunas gui para uasie hit ni i isauta siha ya unafan-gasgas hit gi in-aplacha*».

II.

I fuetsan este siha na sinañgan i Escritura enpelo na sen-mahetog, yagin manma-sañgane hamyo na **i mamale, desde i finenana hasta i úttimo, ha-insiste siha sobre i manesesitan i cumomfesat como uno gi pinelon Yuus.** Ti seso ensañgan na ayo siha i ti gumef-tuño i dottrina yan i historian i Iglesia hasañgan na i sacramenton cumomfesat ti manahuyuñg gi Iglesia hasta i sacan 1200 despues de i tiempon Jesucristo. Con motibo de i in-aseguranñiha hapolo siha tinige i mañantos siha as Basilio, Ambrosio, Agustin, Geronimo yan Crisostomo.

Este siha na tinige mangaige fuera de i rason; lau yagin halie siha gi sustansian i tinige ni i haquéque-prueba siha, en bes de uharechasa i comfesion gi dottrina Católica. ha-accepta. Pot i dididi na tiempo hucita solamente algunos para-

hes de i mamale ni i inanma sasañgan. Este siha na cita huchule casi gi tinige ayo siha na mamale sobre i comfesion. Siña-ha enjisga guine siha na extracto i sinienten todo siha i mamale sobre i comfesion.

Si San Basilio hatugi: “*I comfesion i isau siha debe de uta-obserba na i chetnot gi tatautau ti todo tautau tumuño umante, sino unicamente ayoha siha i tumuño hafa taimano na método amteña. Taiguenau i comfesion i isau siha debe de uma-fatinas nu ayo siha na tautau i manga; poder para uhafatinas i remedio*”; esta husañgan antes haye este siha na tautau. “*Nesesariamente i isauta siha debe de utacomfesat-ñaihon guihe siha gi man-maconfia man-man-asie gi misterion Yuus. Taiguenau-ha locue, mantufuñgon i numeron i mañantos ni i fumatinas con tiempo i penitensian-ñiha pot i isauñiha. I checho i Apostoles siha, matugi na hacomfesat i isauñiha i Apostoles siha.*” Dos clororo na finagpo hasisige este na pasahen San Basilio: i finenana i manesesitan cumomfesat, segundo i obligasion utadec-lara i isauta siha gi Pale, sa guiya gi nuevo na lai maconfia. Si San Am-

broasio de Milán hatugi: “*I isau beneno, ya i confesion remediña; i beneno taila-ye, i confesión remedio para i ga-umisau. Ya pot lo tanto sen-magahet na un remedio contra i beneno, yaqin on-declara i tinai-layemo siha, si Yuus on-nina-petfecto? mamahlau-hau? Este na minamahlau on-dinespensa as Yuus gi juisio?*”

I sigiente na pasahiña hana-ásahon claroro na i malátete gi Iglesias Milán hasañgan i cumomfesat gi Pale. Pot lo mismo hanafagpo si San Ambrosio na guiya manánayuyut pot i confesión na siña ma-admite gi comunión. Este madesesea na ufan-alibiao, ufanpinila ni i Pale, sa ti hasósoda alibio gi consien-sian-niha sino que minacat, sa manma-atottaye na ufan-manae i mangai isau magas ni i comunión, sa ti gúsisi ma-admite gi un ante ni i gai isau magas para uresibe i comunión. Si Paulino. i Secretarion San Ambrosio gi tiempón ayo na Obispo, hasañgan na ha-acos-tumbra gui sumausau i lago i mañgó-comfesat ni i hahuhuñog gi confesion.

Si San Agustin hatugi: “*Si Yuus ni i yoase malago na upoluye hit guine gi tano ni i confesion para ti utafanma-condena*

gi otro lugat”, ya i otro lugat ilegña: “*Tai-bale locue anai guiya ha-entrega i yaben i lañgit i Iglesiaña, pues buente tai-bale i ebangelio, yan manai-bale i fino Jesucristo.*”

Este siha i fino este i dos sen-malati hana-ásahon ayo siha i masásañgan pago na tiempo, na nahoñgha i cumom-fesat as Yuus.

Si San Juan Crisóstomo i mina tres na comentariuña gi Ebangelio, ilegña: “*Lii hamyo! na guaha pago ya ti u-abmam ufato i cuaresma: pago nesesita ta-alula-ye man-ayunat ya utafañgomfesat ya este na minauleg finatinas ya manhikihot hit gi Pascua siña tagosa i grasian Yuus. Sa como hatuño i enemiguta siha na tafatinas i confesion ni i isauta siha, ya tafanuc i médico ni i chetnotta tiene que unafan-homlo hit, ya i enmiguta hapro-cúcura pot todos los medios chumoma hit gi confesion.*”

Si San Agustin, ilegña: “*Chamo chí-chile guato gi confesion solamente i ina-bale-ha, pat ayo siha i manpúblico, sino que debe locue de enchule guato i calum-nia siha, i manailaye na finiho yan todo siha i manparehuña.*”

Si San Agustin haesplifica claroro guine i comfesion ni i isauta siha, na ti as Yuus sino i ministroña, ya todo i tinigi nai una-ásahon mas claro.

Guiya mismo na Pale, haemplea gi un tinige sobre i poder i ministerio, este siha na finiho: "*I Pale manae un poder, na ti manmanac i Añghet ni i Atcañghet siha, de modo que i hachóchogue i Pale gi tano, si Yuus ha-afifitma gi lañgit. Sa ilegña: i isau siha ni i ti manma-asie, ti ufanma-asie.*"

"*Hafa na poder, hutátayuyut hau na onsañgane yo, siña mas dañgculo que este? I Tata hanae todo poder i Lahiña: ya hulilie na todo este mismo na poder manmanac i Apostoles siha as Yuus Tata yan Yuus Lahiña.*"

"*Para umana-gasgas i chetnot lasarino gi tatautau, pat antes de umadeclara gasgas, debe de upresenta gui solamente gi Pale Judios. Lau i Paleta siha manmanac sede poder, ti para uhadeclara i salud i tatautau i lasarino, sino para uhanagagas i manchan i ante.*"

Otro biahe ilegña: "*yagin uno ni i gai isau mato giya guiya, ya inayúyuda*

ni i consiensiaña ya hacomfesat todo i isauña, ya hafanue ni i chetnotña i médico ni i siña umante ya ti rinechasa ya hare-sibe i remedio siha para guiya, yagin siña cumientos gui solo sin umatuñgo ya hagógof-adahe na umadescubre todo giya guiya, guiya siña fásisil haenmienda i isauña".

Si San Geronimo hatugi: "*Yagin i setpiente, i anite, hadulog secretamente i tautau ya haneye ni i beneno na isau, ya este na tautau mamatquíquilo-ha ya ti malago cumomfesat, ni unamalie i chetnotña otro tautau ni i tumuñgo umante timapot, yagin i malañgo mamahlau hanalie i médico ni i chetnotña, ti siña hemlo, sa i amot ti siña ha-ante ayo na chetnot i ti hatuñgo*".

Pot otra patte, ilegña: "*I Obispo pat i Pale. ugode pat upula, ti ayo siha i maninosente pat man-isau sino debe de uhuñgog segun i debetña, i clasen i isau, entonses i Pale hatuñgo-ha haye debe de ugode pat upula*".

Siña i Iglesia Católica hasostiene i poder i mamale, yan i obligasion i comfesion para uespresa nu un finiho ni mahetog taiguihe i finiho comfesion?

Este hinason-niha cada uno gi male, anai haopone siha gi Sacramenton cumomfesat!

III.

Un despresio na mamasisige nu i man-antiguo na enemiguta siha, **haa-fitma na i confesion hinalum** pat i **Sacramenton cumomfesat manahuyuñg gi siglo XII**. Sin embargo ti siña tasañgan na i Papa, pat i Obispo, pat i Pale i Iglesia pat i Consilio pat mano na tano nai mana-huyuñg este na inbension gi republican mañgilisyano. Seguramente una istitusion na hanabula linache gi quinilisyano ya debe de uguaha tutuhonña na hasasañgan mas claro. Sin embargo mas prudente yan patticulat i umapolo i fecha.

Pago **huconfia yo fumanue** siha para satisfaccion-niha i utinaitai: **i finenana: na i confesion ti pinelon tau-tau; i segundo: na ti siña manahuyuñg gi gima Yuus desde i tiempón i Apostoles siha**, ya pot'lo tanto apostólico i tutuhonña.

Na i confesion ti ma-inbenta gi tiempón i Apóstoles siha, usañgane hamyo

despues, na enhasusuye fumiha i tiempo gi finenana na tutuhonña, **nihitafanalo tate, tatutuhon desde i siglo XX hasta i finenana na siglo**.

I confesion ti matutuhon **guine na siglo** como todo i tano umadmite.

Ni ti ma-establese gi **siglo XVI** gi Consilio General de Trento, ayo na tiempo masasañgan i confesion ni ayo i esta monhayan ma-establese; ya si Lutero ilegña: na i confesion ni i ma-écungog taiguihe i manchogue pago, mauleg, lau ti nesesario.

Si Enrique VIII, antes de unahuyuñg i nuevo na sectaña, manugi, na hadefiéfiende i sacramento siha ya hanahalumha locue i confesion.

I confesion ti manahuyuñg gi **siglo XIII**, sa i Consilio IV de Letrán hanahuyuñg un tinago gi 1215, na haobligla i mañgilisyano siha na uhacomfesat i isauñiha siha a lo menos un bi-ahe cada sacan. Este na tinago, naturalmente, ma-supone na i confesion hagas-ha guaha. Algunos siha gi escritor protestante man-lache, ha-interpréreta i tinago i Consilio Lateranense, na ilegña: "I Sacramenton cumomfesat

nunca nai estaba gi gima Yuus Roma hasta i siglo XIII. **I Consilio hapolo un limite ya fuera de este i mañgilisiano ti siña hapolo i confesionñiha.**

Este siha na escritor fanaan ti mañgapas na uha-destiñgge entre un lai na haoblíliga hit cierto na deber, yan un tinago na haffiha i tiempo ni i para umacumple. Siñaha mafatinas un ejemplo, como un aduanero hanahuyuñg i lai para i apas contribusion; ya guiya hanahuyuñg un abiso na haexisije, na i contribusion umaapase guihe na tiempo.

Tafanaio tate hasta i **siglo IX**, utasoda na i confesion éstaha monhayan humuyuñg. Ayo yuhe na tiempo, anai i cisman i Iglesias griego hatutuhon bajo i direccion Fosio. I Iglesias griego cismatico guáguaha-ha trabia comunicacion-ñiha sahñge-ha gi Iglesia Católica ya manae relacion espiritual giya hita.

Pago i Iglesia griega hachóchogue i confesion taiguine iya hita.

Pot este siha na rason i confesion ti ayo nai humuyuñg i **siglo IV pat V**. I Arianos siha hasepara siha gi Iglesia gi siglo IV, ya i Nestorianos

yan i Eutiquianos hasepara siha gi siglo V. Este i dos sectas ni i pagoha monhayan masañgan, hasta pago mangágaigue-ha lálamegai-ha giya Persia, Abisinia yan otro lugat, ya hagua-guatda-ha i confesion como uno gi mas manátquilo na practica. Pot lo tanto ni un alaña na tautau siña uasegura, na i confesion manahuyuñg gi entre i primer siglo yan i cuatto, sa i finanaguen i Sainata as Jesucristo gi disipuluña siha hafatinas uno na asentado mapoloña para i mañgilisiano siha para u-mas gusi mafunas ya i mas manailaye na enemigon i Iglesia hadmite na taya mancha ni defecto na u-nina desporeho gi boniton biahiña gi edadña anai gagaige.

Este siha gof-nahong para uconbense hit, na i sacramenton cumomfesat estaba esta humuyuñg gi tiempon i Apostoles siha.

Pago baihu-prueba para enfan-quinbense, na i **humuyoñgña** gi Iglesia **sumen-ti-siña na ayo na tiempo, anai esta umapostólica.**

Guaha guine dos chalan, anai siña tasupone na i linache siña humuyuñg

gi Iglesia, tal como **ugusisi** pat **udes-**
pasio.

Pago i humuyuñg i confesion pot
cuatquieraha guine gi dos modos su-
men-ti-siña.

Finenana **ti siña** mas que linache na
masupone na i confesion **ensegidas-**
ha humuyuñg gi tano mañgilisyano.
I esperiensiya hanamalilie i ñinateñg
yan i minapot i tautau na uha-apatta
siha gi hineñggen-ñiha masea manma-
gahet pat ti manmagahet.

Pot este ti siña tahasuye sin utana-
fan-mamaichecho i man-mauleg na hi-
nasota, na todo i mañgilisyano ufan-
maigo an pueñge ya ti hatuñgo hafa
i sacramenton cumonfesat, ya anai
manmagmata gi inagpaña manfitme gi
dottrina Católica yan confesion.

Ti absurdo locue masupone na i
manchogue gi confesion manhuyuñg
pot grados. Hafa taimano utahaso,
na i mamale as Clemente, as Leon, as
Gregorio, as Crisóstomo, as Gerónimo,
as Basilio yan si Agustin, este siha na
manmagas mamale todo i tiempo gi
petsecusion manfiel siha ya hapúpulan

i torre, hadefiéfiende i oriyan i tano
Yuus, ti ninafan-mamaigo, desde i mas
diquiqui na ataquen i enemigon i mina-
gahet? yaguin siha mohon uhayute i
mas diquiqui na linache, na siña ha-
chogue con facilidad, para uhalie una
cosa extraña na humuyuñg ginen i dot-
trinan i Iglesia?

I unahuyuñg este siha na rason me-
gai na fuersa para umahasuye na i
confesion ti dottrinan mahasuyeha, si-
no un dottrina na machóchogue, na
fina-mamauleg i chechota gi haane, fi-
nonota yan hinasosota, un sacramento
este na sen megai na mañgilisyano fu-
matítnas gi todo i tano. Un dottrina
este na maog gi catne yan i haga, ya
ni un sisiñan tautau capás para u-im-
pone gi tautau. Solo si Yuusha, en
tal caso, siña haexige i minalago i hi-
nasota.

I talilie gi minananan este na cues-
tion ya utaconsidera i circumsiansian
i tiempo, i lugat yan i hafa taimano
manahuyoñgña, na i sacramenton cu-
momfesat, ti plinantan tautau, na nina-
huyuñg Jesucristo-ha mismo.

Lau i dottrinan i mamale para man-

asie yan i comfesion i isau ti manma-confia gi Iglesia Católica Romana, yan Cismática Oriental. Ayoha mismo na dottrina mamananague locue gi Iglesia Protestante Episcopal giya Inglaterra.

Si Pale E. S. Grueber, un Pale protestante giya Inglaterra, hapublica ti abman-ha un Catesismo, anai hasasañgan i poder para man-asie isau ni ninaen Yuus nu i ministroña, yan i nesesidad yan i bentahan i comfesion.

Talílieha locue na i sacramenton cumomfesat yan i inasien i Pale ni i isau manma-totohne ti i Iglesia Católica caha gi todo i tano; sino todo i Iglesias quilibisyo Cismáticos gi suman-catan, yan i dañgulo na Iglesia Protestante Episcopal giya Inglaterra yan hasta i Estados Unidos.

Alguno siña hasañgan na i inasien i Pale ni i isau hanaháhanau un poder na poder Yuus, esto es i man-asien isau.

Guiya este na finiho i hadirige i Escribas guato gi as Jesucristo. Hasañgan siha este na blasfemia. Haye mas siña man-asie isau sino si Yuus? Ti man-

blasfémia un Pale, yagin gai poder para man-asie isau, sino que hafatitinas como delegadon Yuus mismo. Siña guaha blasfemia, yagin un Pale haprende manasie isau pot i naañña-ha propio yan pot i minagasña. Lau taya blasfemia, yagin i Pale haasie i umisau pot i naan Yuus Tata, yan i Lahiña yan i Espiritu Santo; pot este hasañgan: "**Guaho huasie hau pot i naan Yuus Tata, yan i Lahiña yan i Espiritu Santo**". Tatuñgo-ha todos na i Pale tai-yinius na poder. Lau guaha bosña na-mahuhuñgog. Este na bos Espiritu Santo gaige gi sinantusan i anten i gai isau ni mañotsot.

Fuera de unos Episcopales, huhongge na hasta pago ti ha-admimite na i pecado original finifinas ni i bautismo. Yagin i ministro ti reo gi blasfemia, sa guiya i instrumenton mina-ase Yuus, haasie i isau siha gi bautismo? Hafa taimano un Pale manblasfemia na guiya instrumenton mina-ase Yuus haasisie i isau siha gi comfesion. Si Yuus-ha mismo minahuyunñg i bautismo para man-asie isau, hanahuyunñg i comfesion, para man-asie isau siha ni i

manmacomete despues de i bautismo? I Apostoles siha ti ha-eketse este i yinisan na poder, hanafan-lala i manmatai ya hanafan-malag i grasian Yuus ayo siha na ante i man-ginégede ni i isau? I Escribas yan i Fariseos manin-acúcusa siha na hasaque i poder Yuus. Ti siña si Yuus sin unafaliño i lañgetña, unae i tautau siha gi siglo XX ayo siha na pribilegio i hanae gi finenana na siglon i Iglesia.

Ti tadeshonra si Yuus yagin tafalague ayo siha i hanombra para uamte hit ni i chetnotta gi tatautauta sino que tasasañgan gi manadan Ebangelio « na sen magof si Yuus, sa hanae i tautau siha nu ayo na poder ».

Entre todos, i confesion i mas macat na checho Pale ya taya apas hare-sisibe guine gi tano; pot manera que yagin i confesion ti si Jesucristo minahuyunğ, i mamale siha mas man-enemigon i confesion mohon; lau como hatuño na este i remedio, na si Jesucristo hapolo gi Iglesiaña para man-asie ni i isau siha, enau mina manmachocho para uhana-magof si Yuus ya uhasatba i ante siha.

Tatuñgoha sa talilieha, na i tautau ni i seso cuinomfesat yan comomotgan ayo mas yoase pat caritativo para si Yuus yan para i projimo.

Magpo guine este na humitden chocho ya hudesesea na todo i tumaitai ufan-quinenbense, na i confesion ninahuyunğ Jesucristo-ha ya enfañeso hamyo mañgomfesat, sa yagin taiguenau enchegue, enconsige i taihinecog na dinichoso.

